

ԳԱՆՁԱՐԱՆ ԼԱՅ ՀԻՆ ԲԱՆԱՍՏԵՂԾՈՒԹՅԱՆ, աշխատասիրությամբ Պողոս Խաչատրյանի, «Հայագիտակ» հրատ., Երևան, 2000, 992 էջ:

Հրապարակի վրա է բանասիրական գիտությունների գոկտոր, պրոֆ. Պողոս Խաչատրյանի աշխատասիրությունը և բանասիրական գիտությունների թեկնածու Վարդան Դևրիկյանի մասնակի աշխատակցությամբ կազմված «Գանձարան Հայ Հին բանաստեղծություն» խորագրով մեծածավալ ժողովածուն: Այն տպագրվել է աթենքահայ բարերարներ Տեր և Տիկին Վարուժան և Անժել Գնունիների նյութական հոգածությամբ և Ամենայն Հայոց կաթողիկոս Գարեգին Երկրորդի հովանավորությամբ: Գիրքը նվիրված է Հայաստանում քրիստոնեությունը պետական կրոն հռչակելու 1700-ամյակին:

Ժողովածուն ընդգրկում է Հայ Հին բանաստեղծական մշակույթի ընտիր նմուշները՝ սկսած նախագրային վիպական բանահյուսություններից, վերջացրած XVIII դարով: Ժողովածուի նյութերը համակարգված են ժամանակագրական կայուն սկզբունքով և տեղաբաշխված Հինգ Հիմնական բաժիններում: Առաջին բաժինը խորագրված է «Փյունքներ նախամաշտոցյան շրջանի բանահյուսություններից» և ընդգրկում է նախագրային ժամանակների Հայ Հնագույն բանավոր ավանդության վիպական նմուշները՝ ավանդված հիմնականում Մ.Խորենացու «Հայոց պատմությամբ»: Երկրորդ բաժինը վերնագրված է «Վաղմիջնագրային բանաստեղծություն» և ընդգրկում է V–X դդ. Հայ բանաստեղծության ընտիր նմուշները՝ սկսած Մեսրոպ Մաշտոցից, վերջացրած X դ. Նարեկյան գպրոցի նշանավոր ներկայացուցիչ Անանիա Նարեկացիով: Երրորդ բաժինը «Վերածնության բանաստեղծություն», ներառում է X–XIV դդ. Հայ բանաստեղծական մշակույթը՝ սկսած Գրիգոր Նարեկացուց, վերջացրած XIV դ. բանաստեղծ Հովհաննես Թլկուրանցիով: Չորրորդ բաժինը, որ կոչվում է «Ուշմիջնագրային բանաստեղծություն», ընդգրկում

է XV–XVII դդ. բանաստեղծական նմուշները՝ սկսած Գրիգոր Խլաթեցուց, վերջացրած «Մուկաց Միրզա», «Կարոս խաչ» և այլ ժողովրդական վիպերգերով: Եվ, վերջապես Հինգերորդ բաժինը՝ խորագրված «Նոր բանաստեղծության նախաշմին», ներառում է XVIII դ. բանաստեղծության նմուշները՝ սկսած Մխիթար Սեբաստացուց, վերջացրած Սայաթ-Նովայով:

Այս Հինգ բաժիններում, ժամանակագրական Հաջորդականությամբ, Հին գրավոր բանաստեղծությանը զուգահեռ, կազմողներն ընդգրկել են նաև ժողովրդական բանահյուսության մի շարք ընտիր նմուշներ, որով առավել հարուստ ու ընդգրկուն է դարձել Հայ Հին բանաստեղծական մշակույթի ամբողջական պատկերը:

Նյութի ընտրությունը կատարվել է Հայ Հին գրականության մերօրյա լավագույն գիտակ պրոֆ. Պողոս Խաչատրյանի կողմից, որի մասնագիտական հմտությունները, նյութի խորիմացությունը, գեղագիտական ճաշակը դրսևորվել են ոչ միայն բանաստեղծական նյութի ընտրության մեջ, այլև դրա տեքստաբանական մատուցման, դրա պատմական իմաստավորման, գնահատման ու արժեքորման հարցերում, որոնց բացահայտ վկայություններն արձանագրված են թե՛ «Գանձարանի» «Կազմողների կողմից» առաջաբանում և թե՛ բանաստեղծների կենսագրական տվյալներում ու հմուտ ծանոթագրություններում: Այդ վկայություններն ու ընտրված բանաստեղծական նյութերի գիտական համակարգումը պարզում են, որ կազմողները, և առաջին հերթին Պ. Խաչատրյանը, «Գանձարանը» ստեղծելիս ելակետ են ընդունել Հայ Հին դրականութային ծագման ու պատմական զարգացման օրինաչափությունների պարբերացման Մ. Աբեղյանի մշակած տեսությունը, որն արգարացիորեն գնահատված է որպես «ամենահիմնավորն ու ամենակատարյալը», որը

«Ճիշտ է արտացոլում նաև Հայ Հին բանաստեղծության զարգացման սլացքն ու գաղափարական միտումները առանձին վերցրած յուրաքանչյուր պարբերաշրջանի համար» (էջ 6): Արեղյանի պարբերացման համաձայն էլ նրանք առանձնացրել են Հայ բանաստեղծության զարգացման մի ամբողջ պատմաշրջան՝ «Վերածնունդի բանաստեղծություն», սակայն ի տարբերություն Արեղյանի, միայն մեկ վերապահություն է: Եթե Մ. Արեղյանի պարբերացմամբ, իր իսկ բացահայտած «Վերածնունդի գրականությունը» ժամանակագրորեն ընդգրկում էր XI–XVII դդ., ապա կազմողները արդարացի կովաններով դրա ժամանակաբաժանի ընդգրկումը սահմանափակել են XIV դ. վերջերով, ինչի համար հիմք են ծառայել նաև Արեղյանի որոշ վերապահումները: Այդ մոտեցմամբ էլ նրանք XV–XVII դդ. բանաստեղծության զարգացումն առանձնացրել են իբրև առանձին պարբերաշրջան և այն անվանել «Ուշմիջնադարյան բանաստեղծություն»: Ուշադրավ է հատկապես, կազմողների կողմից XVIII դ. բանաստեղծության առանձնացումն իբրև առանձին պարբերաշրջան և դրա «Նոր բանաստեղծության նախաշեմին» խոսուեն անվանումը: Այս պարբերաշրջանի նախատարբերը ևս գալիս են Մ. Արեղյանից: Վերջինս, տակավին 1910-ական թվականներին, XVII դ. և XIX դ. առաջին երեսնամյակի գրականությունը համարում էր Հայ նոր գրականության սկզբնավորման շրջան: Հետագայում (1941թ.) նա վերանայում է այս տեսակետը և այդ շրջանի գրականությունը համարում է Հին գրականության վերջին պարբերաշրջան և այն անվանում «Եկեղեցական գրականության վերածնություն» նոր կրոնական շարժման հետևանքով <<...> նոր գրաբար և աշխարհիկ գրականություններ», իսկ ավելի ուշ, «Հայ Հին գրականության պատմությունը» գրելու նախօրեին՝ այդ շրջանն անվանում է «Գրականության նորոգումը XVII–XIX դարերում»<sup>1</sup>: Արեղյանի տեսակետների այս տատանումներն, անշուշտ, արդյունք էին այդ շրջանի

գրականության Հնից նորին անցնելու երկվությունը, որ լավագույնս արտահայտվել է XVIII դ. բանաստեղծության պարբերաշրջանին կազմողների տված անվան մեջ: Դարձյալ Արեղյանի հիմնարար տեսության և անառարկելի փաստերի հաշվառման հետևանք է այն իրողությունը, որ կազմողները, հակառակ Հանրության մեջ արմատացած սխալ պատկերացման, XVI դ. աշուղ նահապետ Քուչակին անարգարացիորեն վերագրվող Հայրենները, որոնք տարբեր գարների ժողովրդական տարբեր երգիչ-դուսանների բանաստեղծական մտքի արդյունք են՝ անջատել են ուշ միջնադարի այդ աշուղի գրական ժառանգությունից և իրավացիորեն տեղակայել իրենց բուն տեղում XI–XIV դդ. Հայկական վերածնունդի բանաստեղծությունների բաժնում, իբրև այդ մտավոր նոր հոսանքի ամենավառ արտահայտություններ: Նույն մոտեցմամբ կազմողները, Հայրեններից անմիջապես հետո և նույն բաժնում են գետեղել Ակնա անտունիները, որոնք նույն Հայրեններն են կամ դրանց տարբերակները, միայն այլ անվամբ պահպանվել են ժողովրդական բանավոր ավանդության մեջ և դրառվել XIX դ. և XX-ի սկզբներում տարբեր բանահավաքների կողմից (Չ. Ծանիկյան և այլք):

Բնադրերը մատուցելիս կազմողները միանշանակ վերաբերմունք չեն ցուցաբերել դրանց նկատմամբ: Ընտրված բնագրերը ճնշող մեծամասնությամբ ներկայացվել են ամբողջական տեսքով, իսկ երբեմն էլ, ելնելով ժողովածուի Հանրամատչելի նպատակներից, դրանք ներկայացրել են որոշակի կրճատումներով, հատվածներով ու հապավումներով, որոնց մասին ծանուցված է յուրաքանչյուր նման բնագրի խորագրի տակ: Դրանով իսկ ընթերցողին նախ տեղեկացվում է բնագրի ամբողջականության մասին, մյուս կողմից, որ կարևոր է, միջնադարյան բնագրերը որոշակի սկզբունքով բեռնաթափվել են արդի ընթերցողի ճաշակն ու հետաքրքրությունը չբավարարող անհարկի մանրամասնություններից: «Գանձարան»-ում այդ կերպ ընդգրկված են 155 Հեղինակային, անհեղինակ և ժողովրդական բանաստեղծությունների շարքեր բաղկացած ավելի քան 700 բանաստեղծություններ:

1 Տե՛ս Մ. Հ ա Ր Ո Ւ Թ Յ Ո Ւ Ն - յ ա ն. Մանուկ Արեղյան, կյանքն ու գործը. Երևան, 1970, էջ 299-301, 349-351:

տեղծական միավորներից: Բնագրերի ճնշող մեծամասնությունը քաղված է գիտական հրատարակություններից, իսկ մի մասն էլ՝ անմիջապես միջնագարյան ձեռագրերից:

Ժողովածուն, բնագրերի բաժնից բացի, որ, բնականաբար, աշխատության ամենածավալուն մասն է (չուրջ 860 էջ), բաղկացած է նաև առաջաբանից, Հեղինակների կենսագրական տեղեկատուից և ծանոթագրություններից, բառարանից և բնագրերից անկից, բոլորն էլ շարադրված կամ կազմված Պ. Խաչատրյանի կողմից:

Տեղեկատվական և աղբյուրագիտական առանձնակի արժեքով է հատկանշվում «Կենսագրական տեղեկատու և ծանոթագրություններ» բաժինը: Այստեղ, նախ խիստ հակիրճ ներկայացվում են յուրաքանչյուր Հեղինակի կենսագրական տվյալները, նրա թողած բանաստեղծական կամ մշակութային ժառանգությունը, ապա մեկնաբանվում են ժողովածուում ընդգրկված ստեղծագործություններում առկա ծանոթագրության կարոտ իրողությունները և հարակից այլ խնդիրներ: Այստեղ նշված են նաև այն սկզբնաղբյուրները, որտեղից քաղված են ժողովածուում գեղեցիկ տվյալ Հեղինակի կամ բանահյուսական տվյալ շարքի ստեղծագործությունները:

Ընդհանուր առմամբ գնահատելով սույն աշխատության գրական-բանասիրական և մշակութաբանական արժեքն ու արժանիքները, հարկ է նկատի ունենալ Հետևյալը: Վերջին երեսնամյակում մեր գրականագետ մտավորականության տարբեր ներկայացուցիչների նախածեղծությունները կազմվել և հրատարակվել են հայ միջնագարյան քնարերգության և գեղարվեստական արձակի նմուշներն ամփոփող մի քանի ժողովածուներ, որոնք մեծ դեր են կատարել ընթերցող հասարակության լայն շրջաններին մեր Հին դրականության լավագույն նմուշներին ծանոթացնելու և դրանք պրոպագանդելու ուղղությամբ: Այս տեսակետից սույն աշխատությունը տարբերվում և առանձնանում է նախորդներից մի քանի առումներով: Առաջինը՝ նյութի անհամեմատ լայն ընդգրկումն է (արձանագրված նաև սույն գրքի առաջաբանում), որն արտացոլում է մեր Հին բանաստեղ-

ծույթյան ժանրային հարուստ ու բազմաբղետ համակարգի ամբողջական համապատկերը: Սույն ժողովածուում առաջնակարգ տեղ է հատկացված հայ Հոգևոր քնարերգության նմուշներին՝ շարականներին, Հոգևոր տաղերին, ինչպես նաև աշխարհիկ քնարերգության այնպիսի ներկայացուցիչների (Ֆրիկ և ուրիշներ) կրոնական բանաստեղծություններին, որոնք մերձավոր անցյալում տեղ չէին գտնում անգամ նրանց գրական ժառանգության գիտական հրատարակություններում: Այս իմաստով սույն ժողովածուն ունի բացառիկ արժեք:

Հաջորդ նորությունն այն է, որ «Գանձարան»-ում միջնագարյան անհատ Հեղինակների ստեղծագործություններին զուգահեռ, խիստ ընտրությամբ և համապատասխան Հիմնավորումներով, գեղեցիկ են ոչ միայն միջնագարում, այլև XIX–XX դդ. գրառված ժողովրդական բանահյուսության նմուշներ, դիցուք՝ «Սասնա Մռեր»՝ Հերոսավալը, վիպական երգերը, Ակնա անտունիները, մի շարք ծիսական, աշխատանքային երգեր, որոնք բովանդակությամբ, ոճաարտահայտչական բնույթով մերձենում են միջնագարյան բանաստեղծության այս կամ այն պատմաշրջանին և իրավամբ գեղեցիկ այդ պատմաշրջանների բանաստեղծությունների շարքերում: Գուցե խիստ չափանիշներով մոտենալով խնդրին՝ կարելի էր առարկել XIX–XX դդ. բանաստեղծներից գրառված բանահյուսական նմուշները ետ տանելու և միջնագարյան գրավոր բանաստեղծության շարքերում դրանց տեղակայման դեմ, սակայն դա կլիներ ավելորդ մանրախնդրություն, քանզի, ինչպես ցույց են տալիս գրական-բանահյուսական փաստերը (դիցուք՝ միջնագարյան հայրենիների և բանավոր ավանդված անտունիների, Նարեկացու մասին միջնագարյան գրույցների և բանավոր ավանդված համանուն վիպերգերի իրիհարաբերությունը), տարբերություններն անշուշտ են: Ավելին, թերևս կարելի է դիտողության կարգով ավելացնել թե կազմողներն ինչու՞ բանահյուսական նմուշների մեջ չեն ներառել հարսանեկան ծիսերգերը, մասնավորապես թագավորագրվածները, որոնք հնավանդ են և իրենց զուգա-

Հեռներն ունեն հայ միջնադարյան բանաստեղծական նմուշներում:

Թեպետ սույն աշխատությունը գիտական հատուկ նպատակներ չի հետապնդում և կրում է հանրամատչելի բնույթ, բայց իրագործված լինելով միջնադարյան դրականության հմուտ մասնագետների կողմից, դիտական խստապահանջությամբ և քննական սկզբունքային վերաբերմունքով, ինքնին իր նկատմամբ ստեղծում է գիտական արժանափաստահոլություն և հեղինակություն, մի բան, որ, ցավոք, հատուկ չէ նմանատիպ հանրամատչելի շատ հրատարակություններին:

Եվ այս առումով սույն աշխատությունը բացառիկ է, մանավանդ իր ընդգրկած նյութով ու մատուցմամբ, մեր հազարամյա բանաստեղծական մշակույթի շքեղ նմուշները մի գրքում ամփոփող մի իսկատիպ հարուստ գանձարան, որին այսուհետև դիմելու է յուրաքանչյուր ոք, ով շահագրգռված է մեր հին բանաստեղծության պատմական ողջ ընթացքի համապատկերի իմացությամբ: Այս «Գանձարանը» մի հրաշալի նվեր է նաև հայոց քրիստոնեական դարձի ընթացիկ հոբելյանին, պատմական մի վճռորոշ իրադարձության, որով պայմանավորված էր նաև մեր հին գրականության սկզբնավորումն ու բուռն զարգացումը:

ՍԱՐԳԻՍ ՀԱՐՈՒԹՅՈՒՆՅԱՆ